

Al Vi, ho potenca, senkorpa mistero

PREĜO SUB LA VERDA STANDARDO

The musical score is written in G major (one sharp) and 4/4 time. It consists of eight staves of music with lyrics underneath. The lyrics are in Esperanto. The chords are indicated above the notes.

D Bm A D G/BA/C# D A
1. Al Vi, ho po-ten-ca, sen - kor-pa mi-ste-ro,
Bm E⁴ E A⁴ A
For - te - go, la mon-don re - gan - ta,
D Bm A D G/B A/C# D A
Al Vi, gran-da fon-to de l' a - mo kaj ve-ro
Am E⁴ E A⁴ A
Kaj fon - to de vi - vo kon - stan - ta,
A D G A
Al Vi, ki-un ĉi - uj mal - sa - me pre-zen-tas,
D G/B A/C# D
Sed ĉi - u e - ga - le en ko - roj Vin sen - tas,
G D/F# G D/F#
Al Vi, ki - u kre - as, al Vi, ki - u re - ĝas,
C Em A⁴ A D
Ho - di - aŭ ni pre - ĝas.

2. Al Vi ni ne venas kun kredo nacia,
Kun dogmoj de blinda fervoro:
Silentas nun ĉiu disput' religia
Kaj regas nur kredo de koro.
Kun ĝi, kiu estas ĉe ĉiuj egala,
Kun ĝi, la plej vera, sen trudo batala,
Ni staras nun, filoj de l' tuta homaro
Ĉe Via altaro.

3. Homaron Vi kreis perfekte kaj bele,
Sed ĝi sin dividis batale;
Popolo popolon atakas kruele,
Frat' fraton atakas ŝakale.
Ho, kiu ajn estas Vi, forto mistera,
Aŭskultu la voĉon de l' preĝo sincera,
Redonu la pacon al la infanaro
De l' granda homaro.
4. Ni ĵuris labori, ni ĵuris batali,
Por reunuigi l' homaron.
Subtenu nin, Forto, ne lasu nin fali,
Sed lasu nin venki la baron;
Donacu Vi benon al nia laboro,
Donacu Vi forton al nia fervoro,
Ke ĉiam ni kontraŭ atakoj sovaĝaj
Nin tenu kuraĝaj.
5. La verdan standardon tre alte ni tenos;
Ĝi signas la bonon kaj belon.
La Forto mistera de l' mondo nin benos,
Kaj nian atingos ni celon.
Ni inter popoloj la murojn detruos,
Kaj ili ekkrakos, kaj ili ekbruos
Kaj falos por ĉiam, kaj amo kaj vero
Ekregos sur tero.
6. Kuniĝu la fratoj, plektiĝu la manoj,
Antaŭen kun pacaj armiloj!
Kristanoj, hebreoj kaj mahometanoj
Ni ĉiuj de Di' estas filoj.
Ni ĉiam memoru pri bon' de l' homaro,
Kaj malgraŭ malhelpoj, sen halto kaj staro
Al frata la celo ni iru obstine.
Antaŭen, senfine!